

ইসলাম

মানব জাতির জন্য আল্লাহ্ প্রদত্ত ও মনোনীত একমাত্র পরিপূর্ণ জীবন ব্যবস্থার নাম ইসলাম।

আল্লাহ্ তা'আলা বলেনঃ

(إِنَّ الدِّينَ عِنْدَ اللَّهِ الْإِسْلَامُ)

“নিশ্চয় ইসলামই আল্লাহ্র একমাত্র মনোনীত দীন।” (সূরা আল ইমরান-১৯)

ইসলাম ব্যতীত অন্য কোন মতবাদ বা জীবন ব্যবস্থা আল্লাহ্র কাছে গ্রহণযোগ্য নয়।

আল্লাহ্ তা'আলা বলেনঃ

(وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ)

“আর যে ব্যক্তি ইসলাম ছাড়া অন্য দীন (জীবনবিধান) অন্বেষণ করবে তা কখনই তাঁর নিকট হতে গ্রহণ করা হবে না, বরং সে আখিরাতে ক্ষতিগ্রস্তদের অন্তর্ভুক্ত হবে।” (সূরা আল ইমরান-৮৫)

ইসলাম এর আভিধানিক অর্থঃ

১। আল্লাহ্র নিকট আত্মসমর্পন করা ।

২। আনুগত্য করা।

পারিভাষিক অর্থঃ আল্লাহকে এক জেনে তাঁর নিকট আত্মসমর্পন করা, শির্ক থেকে সম্পূর্ণরূপে মুক্ত হয়ে আল্লাহ্র আনুগত্যে তাঁর বিধি-বিধান অনুযায়ী জীবন গড়াকে ইসলাম বলে হয়।

ইসলামের রুকনসমূহঃ রাসূলুল্লাহ সাঃ বলেন- ইসলামের ভিত্তি পাঁচ স্তম্ভের উপর, তা হলঃ

১। এ সাক্ষ প্রদান করা যে আল্লাহ্ তা'আলা ছাড়া সত্যিকার কোন মা'বুদ নেই। আর মুহাম্মাদ সাঃ আল্লাহ্র রাসূল।

২। সালাত কায়েম করা ।

৩। যাকাত প্রদান করা ।

৪। রমজান মাসে রোযা রাখা ।

৫। কা'বা গৃহে হাজ্জ করা । (সহীহুল বুখারি)